

平樂府志卷二

輿地部 二

山川

平樂縣

昭山城西灘樂二水合流之處有石山突起中流名曰昭山唐州之名昭以此其方正如印又名印山上有點翠亭水面有釣鰲磯石碣西山即昭山距城西百步名勝志有巨石徑百尺屹然水中如神龍戲珠狀方輿勝覽八景之一曰昭山點翠

縈山在城東南七里高二百餘丈縈迴曲折上有九峯曰高崖曰羊欄曰月巖曰堯鑿曰馬鞍曰跨

平樂府志

卷二 山川

一

蹬曰石劍曰丫髻爭妍競秀

鳳凰山在城東北隅鼓翼引吭勢如飛鳳明副使張祐於正德初年植高松千樹干霄拂雲今僅寥寥五株矣舊志鳳凰山城跨其上方輿勝覽上有梅公亭

遺址宋景佑中龍圖梅公摯守郡時建名勝志八景之四曰鳳岫晴寒

按松五株今僅存一株挺秀城東矣

魯溪山在城東百里東鄉里筆頭堡東南數里環跨平恭富賀永五州縣山上有塘方廣數畝俗呼為分水塘塘出平樂東鄉曰魯溪江出龍平曰澗源出恭城曰上平江出富川曰白稿江

西五里曰疊秀山高數丈舊名八公山舊志疊秀山
山在魯溪山西五里高數丈省志八峯挺秀舊名八
公山

蒙山在城南十里

烈陽山在城北二十里

密山在城北十里數峯迴環合擁縣治

黑山在城東南五里儼如玉筍瑤簪矗於霄漢土
人以此地石黑多陰因名黑山脚平樂合黃大成
爲易其名曰峯寧山

東山在城東二里舊有鎮粵臺久廢上建壽佛菴
南山在城南四里昭潭南岸雙峯挺出峯下有巖

平樂府志

卷二 山川

二

舊有資聖寺通志云俗呼屏風山舊志昭潭南岸有

南山山半有雙峯巖方輿紀要

北山在城北六里有白衣寺久廢

聖山在樂山里以譚氏二女尸解於此而名巍峩
插天絕頂高平俗呼仙殿石前有梳妝臺左右列
翠竹二枝清風徐來爽氣瀟然名勝志

誕山一名聖山在城東南八十里樂山里巍峩插
天五代時有譚氏二女修黃老術仙去立廟祀之
禱雨輒應舊志誕山府東北八十里有山峯皆峻拔

方輿紀要亦有三峯譚氏二女產此山下及長修黃老
之術不知所之一日里人以不雨爲憂二女至謂

之曰汝能餉我即可得雨翁第餉之未信也二女甫去果大雨如注翁知其神追覓不見山下呼之則上應山上呼之則下應循至一巨石四圍無草木二女衣帶在焉翁異之白其事於衆是後恒見二女於石上櫛髮因建廟山下祀焉名勝志八景之六曰仙巖靈雨

按舊志誕山一名聖山與省志異疑卽相連之山峯內各一山從省志改定

睂山在東南九里聳秀如黛

陽里穴縣東三十一里有那溪穴皆出鍾乳元和志

團山在城東十五里有堡今廢

石棋山在城東三十里

雲山在城東南四十里四垂如雲

掛榜山在昭潭南岸識云榜山見崩兄弟同登舊志

在五馬山南四里方輿紀要

白雲山在城東八里

笏山在城西三十里左江道宋翔書萬笏朝天四字於上

五馬山府江南岸突起五峯中一峯高聳端圓與郡城相對因名

石面山在城東七十里樂山里

白山在城北二里

獨秀山在城南五里南山前高數十丈峻峭特起

洛山在城東北五里

公婆山在安樂里

公思山在安樂里

校椅山在東鄉里

越王山在城外宋鄒忠公清華閣記越山拂於龍嶽

井頭山在東鄉里

華蓋山在城西南十里荔浦江岸其高萬仞舊華志

蓋山府西十里一名火燄山以山峯尖聳而名方輿

紀要夕陽返照有似火燄明初解縉詩云火燄山危

下夕陽即此山名勝志高萬仞尖峯峻削無樹木四

平樂府志

卷二山川

四

時蒼翠一統志山接荔浦江岸峯巒閃爍秀色飛空

遠映城市碧雲恒覆山頂或橫山如帶朝暮卷舒

變化萬狀山濛則雨山開則霽占驗如操左券省志

展誥山在華蓋山西

旗山在城東四十里

雙峯山在城南三里

鷄山在津平里

鑒山在樂山里

崑崙山在城東南九里

水山在東鄉里

青獅山在城北教場有感應泉在其下舊有直節

清踪亭今廢俗呼爲戲毬堆者在山之麓康熙二十二年文副總以此堆碍馬收韁剷平之

華山在城東

馬鞍山有二一在城東三十里東鄉里一在樂山里

葉山在上廂

琉璃山在東鄉里色如琉璃

塘頭山在城東南

葑菜出在津平里

馬山有二一在東鄉里一在安樂里

擺山在下廂

甌山在東鄉里其形如甌平原十里突出一峯頂平如掌路似羊腸鳥道僅容一人側行居人遇亂往往結廬山半以避平時載酒登眺萬山環翠亦奇勝也

楓山在東鄉里

木山在東鄉里

四山在東鄉里

矮山有二一在東鄉里一在安樂里

平山有二一在東鄉里一在樂山里

負羶山在城東五十里形如負羶俗呼押春羅謂押諸峯而羅春色也樵人每當吻渴於無意中嘗

遇石泉流於曲沼金鱗鼓浪綠荇浮波修竹菖蒲
叢生佳卉香氣襲人

松山在東鄉里

金山在東鄉里

桃竹山在東鄉里

滑山在東鄉里

大蟲山在樂山里

白棍山在樂山里

狗兒山在樂山里

珠山在樂山里

藤帽山在城東四十七里山高數千仞雲氣常封

其巔一日有樵者陟峯頂下瞰山肩有平石如掌
寬畝許緣磴而下至其處有石牀石竈石盆儼然
天設崖前又有石爐不知何代之物紫荊黃竹參
差繞列蒼松數尺不土而翠里人禱雨輒應

元帝山在樂山里

福山在樂山里

塘邊山在樂山里

羅山在樂山里

銅牌山在樂山里

仙宮嶺在城北一里高百尺許舊志在龜頭巖二里

宋鄒道鄉謫官僦居於此方輿勝覽通志作城西二里

四望形如金字一名金字嶺非也

金字嶺在城西對江五里四望皆如金字故名

牛嶺在城東百里東鄉里筆頭堡西北高數十丈
形如犀

桂嶺在城東五里桂嶺樵歸爲八景之一

天門嶺在城東南五十里在賀縣界上有石如門
故曰天門

馬鹿巷嶺在城東南八里大教場東

紅花嶺在東鄉里

佛子嶺在城西北十里

上鷄嶺在東鄉里

巖頭嶺在東鄉里

大嶺有二一在樂山里一在津平里

馬嶺在樂山里

兔兒嶺在樂山里

吹火嶺在城東平嶺盤旋起伏層次夏日酷暑風
吹草氣灼人長途煩渴無樹可息故呼爲吹火嶺
獅子嶺在城西北通恭城縣逕極險峻

鷄冠嶺在鳳凰山旁

昭潭岡在昭潭旁舊志昭潭岡在城北方輿勝覽灘樂二

水匯而爲潭郝志府東二里有昭潭岡一名昭潭洞

杜佑曰長沙郡有潭州以昭潭爲名此曰昭州以

崗爲名也方輿紀要舊志在昭潭之北今未詳所在府志

黃牛岡在城西五里金字嶺側後有大石狀如牛

騎牛坪在長塘東里許平原空濶廣袤十餘里草

豐水清諸村之牛皆牧於此

龍躍峯在城東三十五里

龍嶽峯在城東北二里爲邑治之祖山舊志宋鄒浩

得志軒記云前有峯數十仞曰龍嶽卽此一名龍

躍考槃之水出焉跨澗有橋曰覽勝名勝志

白雲巖在城東七八里叢林蒼蔚中洞門翼然古

藤盤繞雖盛暑若居冰屋有石類蓮花者類彌勒

者類鐘磬者扣之鏗然類犀角者類白衣蒼狗者

平樂府志 卷二 山川 八

燃炬蹲伏而入莫窮其勝洞外百餘武澗水潺湲

兩岸陡開人跡罕至明崇禎時唐世堯始披榛覓

逕因石成梁名步雲橋洞中設大士像鐫白玉洞

天額招老僧守之今荒廢已久

滴珠巖舊名滴水巖在城東山麓大道之旁開闢

險灘記勒於巖側有亭後人東巖懸溜詩卽此舊志

在東山麓高不過丈餘石黑如鐵玲瓏秀麗滴溜

丁丁有古榕盤結於頂省志

珠巖在東省志北志作十五里有洞玲瓏知府羅黃裳

更名迎仙洞舊志相傳有異人棲於此丹竈尙存

紅巖在東鄉里

白竹巖在樂山里

梅子砮在東鄉爲恭城界

桐木砮有堡

石梯砮在津平東鄉界雙峯插天如筆

舊省志

粉巖在城東南十五里縈山之中巖皆鍾乳結成

玲瓏奇巧幾同鬼斧神工羣山環擁烟霧空濛故

粉巖曉霧爲八景之一

牛巖在東鄉里

劉公巖在城西北三十里與陽朔界

當頭巖在樂山里

馬巖在樂山里

瑞山巖在城東三十里東鄉里大寨村高十餘仞
有四巖曰高曰下曰癸水曰大口前代有兵草之
事村民咸避居於此

白娣巖在津平里布塘村寨脚山下巖內有水不
可入

月子巖在城東八里形如斜月外狹中寬

月巖在石面半山中虛圓如月故名

出米巖在樂山里石峯千仞豁然洞開巖形如半

月天宇清曠地勢平爽不似他巖之幽闇險濕其

地荒廢已久甲寅之亂有僧曰修然者避世於此

隨巖中地勢締造精舍不十年頓成名勝巖外磴

道盤旋竹樹茂密入洞左轉石級盡處爲山門地
平如掌環以墻中有堂額曰石空堂後爲妙明殿
左轉石巖千仞下臨不測憑空結構曰懸空其外
周以欄楯可坐數十人樓內諸僧寮舍依崖就石
如蜂房水渦堂之下右爲香積厨厨旁爲碓磨房
皆天造地設不假人力向時洞左有二巨石色如
碧玉縱橫眠側游人每攜鐵錐之石隨錐而下光
潤堅膩隨形之厚薄小大摩爲鎮紙饒有韻僧欲
堂殿寬平已鑿而去之矣

水巖在津平里

步雲巖在樂山里一名穿巖舊志穿山巖在城東七

平樂府志

卷二 山川

十

十里樂山里與平西富多山相連府志三峯並立半

壁開一圓竅可通往來名勝志竅圓廣數十丈邑人

袁啟翼卜居其下更名步月巖識云平西富多不

出官出門三步見穿山

顛婁省志作巖在負羶山舊志相傳有一婦佯狂結

宇於此後莫知所終或疑爲冲舉云省志

羊巖山在樂山里

仙巖未詳所在

羅山巖在樂山里布井村方輿紀要云在府巖內

水深濶不可揭乘筏渡之由一黑逕秉燭行百步

有竅通巔緣梯而上坦平可居里民多於此避寇

焉

竈巖在城北十里

目巖山在城東十五里左右有兩小巖宛如人目

舊志平樂縣有目山隋書地理志目巖山在縣北三十八

里巖有兩乳相對如人目白黑分明因號為目巖

元和志縣之津平里在虎步江口有廢恭城縣址其

上有目巖高數十丈下有巨石近頂左右有小巖

宛如人目黑白分明荊州風土記

魯般石在東鄉里榕津渡相傳魯般所鑿欲於此

建橋未就

息石在旱冲窵突立而起高可數仞其上古藤紛

平樂府志

卷二 山川

糾垂條著地其下欹側空洞清涼爽塏可坐數十
人行人咸憇於此袁景星以其能覆蔭休息因名
之為息石云

蝦蟆石在城東四十五里雷公山下道傍巨石伏

地形類蝦蟆水從口出其餘山畔小石不下數百

靡弗形像畢肖諺云此蟆母吐水蟆子食也今其

鄉尚呼為蟆拐石云

陶李洞在城東南九十里唐太尉陶英與李太尉

卜居昭州後世子孫遂世居於此舊志有二仙廟相

傳唐太尉陶英謫居與李氏聯姻後此二姓居崙

數百家為婚姻云方輿勝覽唐天祐二年太尉陶英忤

朱全忠因授征南將軍出鎮昭州故以疎之全忠
篡位懼禍隱於誕山家焉時有李太尉者簪纓相
似子孫累代締姻其山下有峒因目爲陶李峒名勝

志明太守羅黃裳構亭今廢省志

四十里山在府東北龍平巡司南十里周四十里

因名爲富賀往來要道設三堡以爲戍守方輿紀要

糯洞在水滄營有堡

冗洞在水滄營有堡

石洞有二一在水滄營有堡一在下廂

栗洞在水滄營有堡

義洞在車陂猺境內有堡

嶺背洞在上廂

長洞在水滄營

南源洞在津平里

蕉洞在上廂

藍洞在車陂猺境

黃洞在藍洞西二里與昭平陶溪村交界

小洞在下廂

六工洞在下廂

牛洞在東鄉里

莫家洞在東鄉里

關門洞在東鄉里

牛廟洞在東鄉里

石人洞在樂山里

楓魚洞在樂山里

羊尾洞在樂山里

湓洞在樂山里

下裏洞在津平里

欄洞在水滄營

昭潭洞今未詳所在

灘水在城南源出興安海陽山東南流經靈川臨桂陽朔興平之水八焉又義寧靈鷲之山義江分流八于永福東流入灘至平樂合荔二水下蒼梧

至廣州府八海戈船將軍下灘水卽此

府江水卽灘曰府江者別于左右二江也迤演五百餘里兩岸皆山多懸岸峭壁爲灘三百六十合邑境諸水暨洛江水歸化水思勤水思庇水馬江諸水流八蒼梧境昔人諺曰盎有一斗米莫溯藤峽水囊有一佰錢莫上府江船其視爲畏途如此今則悉化爲坦途

樂水源出富川上鄉合桃川水流經恭城八邑境之樂山里合誕山江沙江洛川諸水至城下八於

灘舊志平樂溪水出臨賀郡之謝沐縣南歷山西北

流逕謝沐縣西南又西南流至平樂縣東南左會

謝沐衆溪派流湊合西逕平樂縣南又西南流注於灘水謂之平樂水水經注平樂溪在平樂縣南三

里又永平縣南臨永平水西流八平樂縣界元和志

平樂江中有縣藤灘黎壁灘寰宇記

平樂江自湖南永明縣流逕恭城縣南又西南逕

府城東北又西南八灘江舊志今所名樂川水出恭

城至平樂合誕山沙江諸水八灘一統志八景之二

曰樂水拖藍

平溪水在城南三里流八昭潭合灘水東南流八

昭平縣界

魯溪江出魯溪山流至東鄉胡志魯溪水在府東源

平樂府志

卷二 山川

十四

出魯溪山之分水塘流逕平樂縣東鄉曰魯溪出

龍平巡司曰澇源江出恭城曰上平江出富川曰

白藁江又分流八賀縣永明等縣境灌溉之利甚

溥方輿紀要

沙江水源出東鄉里四十里而西流八於魯溪至

榕津與誕山江水合流至津平里滙樂水同注於

灘

誕山江水在樂山里源出誕山流至陶村合下龍

蒸水流至榕津與沙江水合流八樂水同注於灘

澇源出魯溪山流至龍平人灘

荔水源出修仁過荔浦流至邑境於城西七里合

湖塘江水注於灘八景之七曰荔江漁唱

湖塘江水流至城西荔浦江口合修荔諸水入於灘

洛川水源出恭城南平江至矮山過鳳凰巖經蛇灘合樂水流入於灘

大桐江小桐江水俱出獐境流入於灘

大浪溪水自兩山中出曲折而注於灘涉處頗廣雨餘暴漲波濤汹涌行者翕皇大浪之名所自來矣

北澗水在城西北水中有石名磨刀石水從石上流高於道者尺許景極幽奇澗窈石壁多杜鵑春

時花放儼若錦屏洵爲一邑名勝

考槃澗水在城東一里源山龍嶽峯澗口一名廻龍津入於灘八景之五曰考槃清風

昭潭在城東一里灘樂二水滙而爲潭通志云下有十八灘未詳所謂胡志昭潭縣東一里又名昭岡

潭下爲十六灘最險峻昭潭驛沿其名金志平樂水之西岸有昭潭周廻一里其深不測元租志昭潭亦

名廻龍潭灘樂之水滙而爲潭今城西有灘曰虎埠灘白昭潭而下有韭菜三門等灘在東五六里

皆川流險峻處也

方輿紀要

諺曰昭潭無底橘洲浮昔

入覆舟於此沉其銅甌甌有銘題後於洞庭湖中

得之疑有潛穴相通耳按此省志誤引

迴龍潭在城東考槃澗下明萬歷中副使翁汝進於東岸山勒石云細魚乃民食所關不能斷絕迴龍潭改名放生潭

虎埠潭在津平里樂川之中

滑石潭在城北十里與陽朔縣交界

鰕魚潭在城西北滑石灘下

牛皮潭在東鄉里

漣漣潭在北澗中

龍池在舊府學西上有仙妃廟八景之三曰龍池

春暖舊志

虎埠灘在津平里樂川中虎埠潭下

更鼓灘在城西五里荔浦江口

漫灘在城西北五里荔浦界

滑石灘在城北十里灘江下界陽朔

鰕魚灘城西北滑石灘下以上三灘至冬月水有

哨堡守焉

鶯頸灘在印山之上一作下

茼菜灘在城東五里昭潭之下

狗毛灘

三門灘在茼菜灘下有二石對峙水中流為三門

中多暗石頗碍行舟

石鼓洲灘在三門灘下有險石

石母灘在石鼓洲灘下有石龍壩水勢湍激

永灘在石母灘下

橫灘在永灘下右有石磯左係淺水砂洲水勢湍

激且多暗石頗碍行舟或白左邊挑浚深直可免

右岸之險

浪灘在城東南橫灘下以上在底塘界

長灘在城東南二十里浪灘下舟行取道中流灣

淺長隘西岸沙洲多有浮石約三丈餘

茶田灘

鷺鷥磯灘在長灘下

響水灘在鷺鷥磯灘下在沙嘴江中有石洲洲之

上水大則衝爲旋渦舟行殊險

火把灘

廖家灘在長灘下五里水道淺窄而東岸有砂洲

碍道

叢林灘

上危灘在廖家灘下

下危灘在上危灘下

崩山灘皆砂洲在龍磯上

分砂灘在崩山灘下以上在長灘塘界下

龍頭磯灘府南三十里

蓑衣灘磯

鎌刀灣灘在龍頭磯下以上在龍頭磯塘界下

小結灘在大結灘和尚磯之上江中多浪石

大結灘在大結塘下塘前有巨石二塊碍路江中

多暗石水勢湍激東岸為和尚磯舟行頗險

鑼鼓峽以上在大灣塘界下

浙瀝灘在大結灘下

鼓鑼峽縣東南三十二里龍頭磯下有石如鼓鑼

水漲則洄洑旋轉舟不敢行一統志

龍門峽府東南百餘里府江中今名松林峽冬日

水小極險惡明萬歷中加開鑿漸為坦道方輿紀要

薩喇灘在浙瀝灘下東岸山下有石橫江濱

小龍灘在大結灘下五里東岸有山嘴西岸多浮

石舟行宜避

大龍灘在大貝灘上七里西岸有亂石東岸有磯

嘴水頗湍激灘下亂石益多殊碍行舟以上在大

結塘界下

大貝灘在廣運塘下二里江中多石而岸傍之石

益險

小貝灘在廣運塘下五里兩岸多碎石水道紆迴

灣淺而湍激直下中有欄杆石

石龍灘在小貝灘下

標灘在石龍灘下有險石

白蓼灘皆砂洲在標灘之下

金鷄灘在巴江塘之上白蓼灘之下有小石踞江
中 以上在廣運塘界

小黃牛灘在大黃牛灘上

大黃牛灘在黃牛塘下二里東岸有花水浮石扁
舟過此恒有戒心 以上在巴江塘界

豬牙灘在黃牛塘下七里東西兩岸俱有浮石舟
過則長年恒惴惴焉

象棋灘在豬牙灘下東岸有石磯五水勢湍激

粟灘在象棋灘下與昭平交界

勞碌灘

筍箕灘 以上在黃牛塘界

母灘

擘灘 以上在蓬冲塘界入昭平界

竹篙峽在樂山里

洗馬磯在南門外

龍門磯在城東南三十里有大石橫截江中而障
以砂洲其水深多暗石盤亘頗碍行舟

和尚磯在城東南小結灘下

鷺鷁磯在城東南二十二里廖家灘下

楓木磯在城東南龍頭磯下山嘴與碎石插八江

中水勢至此一曲當江流暴漲時直冲西岸轉而
冲廻東岸致成漩渦百多附山工力難施
顛倒礮在大灣塘下二里東岸有巨石二橫亘江
中

石礮在城南俗呼爲石礮頭頗險

金峽有二一在城東南鷺鷥礮上一在水漥營

龍溪塘在樂山里有洞壑泉從石洞中湧出

省志

龍頭堤縣西北明御史佴祺築

一統志

明宏治正德

年間恭城江水屢漲將前街衝爲巨浸以致學宮
漂沒民舍蕩析區區城闔僅恃後街一綫以幾幸
旦夕至萬歷三十年知府張一棟詳允三院建立

石堤引水而西起亭子脚迄上冲口計長八十五
丈濶六丈高二丈五尺水患始息因爲久遠計將
清出絕戶莫如試田二百六十工招佃承墾歲入
租粒除納正貢外餘銀爲修築之需康熙二年里
書誤將此租造八奏銷內自此修築無資而堤日
就傾頽矣

恭城縣

五馬山在縣南一里五峯亭立如馬奔躍來朝邑
堂

鳳凰山在縣東三里兩峯開豁中峯昂聳如鳳舊
縣址在其下

獅子山在縣西

鷺山城南八里

三台山縣南三十里儒學賓山三峯聳翠形如筆架傍有馬羈山

金龍山在縣西二十里舊志日落時有龍影繞山舊省志

曬袍山在縣西南五里一統志出即雨三春夏草碧為

綠袍秋冬野燒後為青袍舊志諺有出門莫問天但

看晒袍山殊驗舊省志

天馬山在城南八里學宮對峙

筆山離城二十里對峙學宮

石佛山在縣東十里高廣約里許半山有巖巖內石滴水結成一佛佛前兩石柱似燭居中一石似爐人因呼為觀音坐殿岩前有塘深不可測擲石聲如雷久旱鄉人以犬祭之即雨

印山在縣後一里形如印方廣約里許高十餘丈昔有居民今荒廢

馬鞍山在縣東十五里高約三十餘丈形如馬鞍五指山在縣北八十里五峯並起中峯獨高形如監掌高百餘丈週圍約五里路通灌陽

龍岩山在縣東五里形如卧牛山麓一岩中有水深莫可測每遇旱年鄉人用生鷺一隻巫師書符

鶯背至岩口放八風雨立應或云有龍在焉

吉山在縣北五十里昂聳獨立端秀可愛以鎮北

鄉水口

牛角山在縣北八十里曲秀侵雲後有一岩夏涼

冬煖幽爽可人昔人多入內讀書因稱為書房岩

銀殿山一名兼山在縣東百里高萬餘丈勢侵雲

漢山頂雖盛暑如冬頂分兩山因名兼山橫視如

銀錠故又名銀錠頂上有池水約五尺深清碧可

愛池中一石如几池傍有竹數百斜垂如箒拂石

塵舊志兼山昔異人號兼山先生深明性學隱於此

舊通志銀殿山縣東北八十里嘗有白雲覆其上望

平樂府志

卷二 山川

二十二

之如宮闕名勝志去富川縣百五十里舊馮乘縣山

上有白雲故名銀殿

羊角山在縣西二十里遍山亂石形如羊角故名

二童山在縣西南二十里近平樂縣界兩山並聳

高約六七十丈中間平坦處有大石一方俗名二

童講書舊志里鄉舉多按省志有雙童山縣西五

仙姑山在縣北八十里高約二里許三峯並出其

中峯石壁陡絕處上有手攀掌印下有足踏印俗

謂仙人遺跡傍一小石清泉不乾俗呼仙女梳頭

水天旱祈雨屢應里人德之因立廟山下廟傍又

一水四季長流名曰東溪左右田數百畝賴此灌

漑舊志俗以泉爲周何二仙女洗頭盆水舊志省

道公山在縣東二里一帶土山忽出石峯高約十餘丈頂上一石儼若黃冠又一石如手執笏前有圓石磊磊供儀下有一石如棺形俗呼爲道人下葬

石盆山在縣西二十里石骨峻嶒方廣約一三里左有岩如盆深不可測水色澄碧長流不竭夏秋閒時或不雨而漲鄉人汲飲且資漑田岩內出魚名遊風魚形似鱮黑身細鱗圓大如指長僅一二寸味極甘滑里人珍之率以穀雨前後羣出夏至後歸岩出入歲有常期漁者以筌取之其右山半

裂開一口如門不數武仍合內僅開二小孔大如盃傷生蔓藤四時常清春夏連雨孔內並無水出或天時久晴反出水其水黃濁而溫每歲不過一二次下有田十餘畝早年賴此水獲全收

卧雲山在縣北七十里昂聳侵霄常有白雲繚繞其上山頂有庵舊名望雲庵庵前有清泉傍開一洞寬平約五丈餘幽爽可人康熙乙酉教諭封安邦名其庵曰卧雲窩

平島山在水西方輿勝覽云唐葉靖祖墓在此靖有道術嘗與明皇乘雲幸陳滿堂家每歲必來省墓去墓十里有大悲寺元豐初有客葉姓者借宿

於寺因口占詩八句僧僅記其結句詰旦啟戶人

馬遽失

名勝志

島坪山在縣西八十里高數百丈層巒疊嶂綿亘一方中間有平坦處

舊志

縣西五十里西江水出此

一統志

掛榜山在縣南二十里

高峯山在縣南十餘里一峯亭立插入天表高莫可量

北山聳形如獅頂平約三丈卽解元周嘉賓讀書處有八景俱有題咏今石壁字句剝落不可曉

冬熱嶺在城西五里高峻行者寒天汗浹舊志云

平樂府志

卷二 山川

二十四

相近有東華嶺

七星界在縣西七十里高約數百丈磊落形如七星

燕子巖在縣南高約十餘丈逼臨溪邊常有燕子集巖內春來秋去巖下水色澄碧深不可測

舊志縣

南一里外峻中寬頂平如石巖如燕巢然其相近者曰獅子山

方輿紀要

鳳巖在縣北七十里解元周嘉賓讀書處峻巖在縣北六十里宋進士周述讀書處

甌頭山巖在縣北入十里宋寶祐元年進士周元鶚刊文石壁高險難登好事者攀躡見詩文爲岩

漚蝕盡僅存石瘦梅枯花數點月明風靜鶴雙棲
之句

石角巖在縣東三里

魚田巖在縣西三十里八角巖村泛舟從巖曰八
凡數折見鳥語花香非復塵世沙平水曲樹斷雲
連遊者忘歸

蟠駝石在城東四里橫濶可二丈宋御史周渭幼
常牧牛於此後人刻御史臺三字以紀之

省志

穿巖在縣西十五里山石聳翠中則玲瓏洞口濶
二丈餘高如之水自島坪源來岩中流過山石橫
跨水口如象鼻如伏犀漁舟出入棹聲人語響答

如雷潭水沉碧其深莫測窈有石柱高與巖齊圍
數尺若珊瑚樹擊之鏗然如鼓一邑山水之奇勝
無逾於此

舊志一名大梧巖
方輿紀要

響水巖在縣百九十里近灌陽崇順嶺界一派石
峯中開洞口高萬丈險峻難八但聞水聲響似雷
鳴有龍王廟歲旱祈雨屢驗

佛巖在縣北九十里一山秀如雲中山半有巖寬
長約三丈餘中供佛座巖左有石盆形似荔枝因
名荔枝盆盆中水常不涸足供僧食巖右有石笋
一條從巖頂生約長丈餘上似龍頭有鳳尾草一
莖常青其下笋頭微出清泉山僧以器盛之烹茗

極佳宋進士田開讀書處

金芝巖在縣東五里

福田巖在城北二十五里

斗八巖在縣西三十五里八角巖村前山腰一巖

高三丈餘濶二丈餘中多石乳下有清水橋水聲

與巖相應

裂石西鄉遼川村寬五尺餘長九丈中一溝大如

池時出盈尺之魚有大至一二十觔者鄉人取之

從東穴去不知所之

風石在縣北七十五里擊之生風

鯉魚石在縣東亘江中形似魚

黃牛石在邑南關外半里許石色赤高丈餘方廣約二丈形似牛俗呼曰黃牛石

馬跡石在馬跡**崖**邑北六十里形似馬傍一石如人紫紅色早年童子赤身以泥塗之卽雨

蓮花石在縣西八十里綿亘一方路通陽朔臨桂灌陽羣峯羅列高八雲中有一坪坪中列數石形如蓮花

永明大河自湖南永明縣源口猺發源出桃川市由龍虎關過常家司白羊堡經恭城縣南門至平樂縣城八十里與灘水合其淺處僅丈餘深處或十餘丈兩岸狹處或五六丈寬或十餘丈不等

東江大河志一統

南平江在城南二十里源從勝崗出會大江

勢江源出小河從伸家獠發源由勢江獠山子角

塘邊村庄子埠等處出平樂牛路冲合大河其淺

處僅數尺深處或三五尺兩岸狹處僅丈餘寬處

或五七丈不等志胡勢江縣東四十里志一統

上平江源出平樂魯溪山志胡縣北七十里考續通一

名平川江源出縣北灌陽界平川南流過常家渡

歷縣北六十里入樂川志舊省

北洞源小河從銀殿山發源由北洞過車洞灣出

龍肚裏陂會大河其淺深寬狹與勢江小河同志舊

平樂府志 卷二 山川 二十七

縣東十五里志一統

坪川源縣北九十里會大江

下山源小河從銀殿山發源由下山源過甌山寨

高嶺出螞蝗塘爐口會大河其淺深寬狹亦與勢

江小河同志舊縣東十五里志省舊

平源獠小河從永明縣發源由黃茅嶺過平原上

五排下五排經巖口磧頭山下寒合栗木河出常

家司會大河其淺深寬狹亦與勢江小河同

馬坪小河從蓮花石發源由雙溪寨過何頭寨費

村出川巖會西水大河其淺深寬窄亦與勢江小

河同

富川縣

川巖在縣西六十里

馬鞍山治東一里上有文昌閣志舊南首鑄第一峯

三字北首鑄誥軸山三字志縣

鳳凰山縣東二里南接雲梯嶺西曰朝冠山又東

曰尖山大山有唱歌巖廣輿記歌山卽此志縣

朝冠山鳳凰山稍西

穿山朝冠山東二十里上有巖曰仙巖洞門有垂石以挺擊之一若磬一若鼓又有蒼藤數根從上直下形如石柱從上蓋覆之石有五色形如蓮花有乳滴下夷坦可坐十數人深潭潺潺然莫測其

平樂府志

卷二 山川

二十八

去來石梁橫亘亦奇境也周篤棐修之志舊仙巖在

縣治十餘里洞口多桃花中則寬濶上如覆蓋石

芝懸結青黛點綴榕根三四條如絲拂直垂八地

半山閒開牖光明中擁石堆如假山狀可坐數人

文載洞門刻洞口雲封四字志縣

白馬山縣南五十里下有白馬泉志一統相傳曾見

白馬懸韁於此志舊省窈有合掌石刻隋樂安縣君

蔣氏神道碑志縣

虎山離縣二里有巖曰龍水

石門山離縣二里門僅容一人四面峭壁不可上

下其中平原廣疇居民百餘家儼然一桃源也

豹山離縣三十五里其陰有洞志一統農人望雲占

晴雨可驗志舊省

隱山離縣四十里潛德巖在焉志胡隱山縣東四十

里志一統宋林通歸隱讀書巖中有林公石牀四大

字志舊省潛德巖縣東二十里俗呼讀書巖巖在塘

中石峯峭立巖深廣數丈仰鑄潛德巖三大字窟

刻宋元豐辛酉年材通達夫識志縣

通山有洞曰祥雲在縣東五十里

西屏山縣西五里邑之鎮山峯巒排列高插雲霄

自北而南綿亘百里溪源百道分注東江上有瀑

布志縣

秀山縣西北四十五里朝東村中拔地五十餘丈

其東有雙雞石相傳土人常聞雞聲何姓世居於

此志縣

屏山縣西三里

靄石山縣北一里志舊山高聳四時常有烟靄冒於

峯頂紀方輿明置守禦千戶於靄石山下志明一

興雲山在靄石山北一里以雲興而雨至也紀方輿

在縣北三里巖前有龍湫山頂有一石盤寬三尺

許中有一石如鶴天將雨石壁呈霧巖內出雲龍

湫閃電志舊省縣北三里巖刻興雲巖三大字中有

石砌流水相傳昔人讀書於此志縣

湖完嶺縣東北九十里湖廣至此而完故楚粵東
西分界處縣志

獅子山縣南七十里逆距江流儼然形似縣志

文筆山兩峯尖聳如雙筆

峽頭山富水經焉舊志在縣南三十里一統志作二十里又

有峽口山縣西北十里一統志作七十里亦曰峽頭皆

以兩山夾川而名

白雲山去縣五十里乃丹霞福地方輿紀要縣南一百

二十里窈有丹竈山下有竈溪水道書所謂丹霞

福地方輿紀要相傳張道陵煉丹所石臼尚存舊省志

穿石山有巖爽朗道人莫公曾居於此離縣四十

平樂府志

卷二山川

三十

里舊志

龍山在縣北八十里龍溪之水出焉

寶劍山在縣東北六十五里一石如劍故名縣志

鐘山在縣西南七十里富川舊置於此又置邊蓬

巡司一統志今廢舊志上刻狀元峯三字下有文昌閣

東為舊縣鐘山寺故址縣志鐘山在鎮中叩之如鐘

故名里許有碧雲洞

碧雲巖在縣南巖洞深邃洞上有石脉成三大字

曰廣陽島名勝志距鐘山里許寬廠深邃奇異萬狀

一統志廣陽島三字遠望分明近視如擘絮狀又有

古石刻舊省志俗名官巖洞中有數盤石叩之諱諱

然俗謂天師石鼓宋靖康元年上巳蔣燮來遊題
名百壁縣志

東山在縣東七十里高峯插天白雲常罩之產錫
鑛卽臨賀嶺又名桂嶺於五嶺號萌渚界連三廣

縣志東山其上多梓梗俗呼爲姑漣山絕壁參天界

連三廣昔富賀餘黨多竄於此舊志

郎山在縣東北五十里中有穿石巖石上有請尋

樂處四字宋鬱棠拙林御史隱此舊志去縣北八十

里鬱棠今呼月塘宋御史周英糾所鬪縣志窈有石

竈煉丹所又有石棋局舊省志與龍溪山相近方輿紀要

龍頭山碧溪之水出焉離縣五里

平樂府志

卷二 山川

三十一

馬頭山形如馬首離縣東十里

歌山在古馮乘北唐已入江華界矣不在邑境昔

馮乘有老人自少不婚善謳聞者流涕及病死鄰

人送葬到此歌以送之勝志將死鄰人送覺

餘音滿谷數日名勝志不絕寰宇記

獨秀巖靄石山北內有石窻石磴相傳古人曾讀

書於此

桃母巖離縣四十里舊志水湧平地多產桃名勝志相

傳老姆種此歲凶採實充饑樹特繁盛舊省志

秀峯離縣七十里平地突起千仞毛氏族居於此

舊志秀甲雲表一統志昔毛衷刺賀州過而異之遂家

焉舊省志

秦山一名桂嶺在縣北三十里高二千餘仞南接

富川北連道州吳孫權未立時山忽聞有雷聲因

開七洞南北可數十里水出其中有石鼓石池石

壇寰宇記陳去非有遊秦山詩方輿紀要昔傳仙人所居

名勝志

斜嶺在縣東南九十里南至賀縣五十里分界處

方輿紀要

花山在縣西九十里堆藍罨翠勁栢蒼松交枝絢

綠密萼爭妍爲一邑之名勝

紅巖山在縣南二十里巖通數里內有深潭不知

平樂府志

卷二 山川

三十二

所抵

枒杈巖在縣南三十里迴峯疊嶂道路崎嶇知縣

張文燿砌石道建行春臺今廢

四山嶺鐘山西八里卽鎮之祖山縣志

長標嶺離縣九十里唐李靖次師於此士人立廟

祀之舊志縣北六十五里李靖收嶺南地駐師植長

標於此省志

西溝水發源於西屏山經縣南會於富江

橋頭江縣南三里縣志作五里盧溪之水出焉東流注

於富江又合將軍水過峽頭至鐘山三水東流入

賀南入於洵

洋溪縣北十里東注富江山巔有龍湫天旱祈雨
輒應金省志

竈溪在縣南一百二十里丹竈山下相傳張道陵
煉丹取水於此縣志

西鄉水發源槽碓源經白霞下昭平縣志在縣西五

十里省志

瀉源在縣北二十里由塘背北流舊志下九嶷入瀟

江方輿紀要

秀溪去縣七十里發源石姑合永之沐水昭之灘
水下蒼梧入海

碧溪在縣南五里源出沙平西流合灘江

平樂府志

卷二 山川

三十三

白藁澗源出平樂魯溪山西流入灘

富江發源於靈亭鄉南合神源之水經縣治東南
流入於賀

白水一出縣西岸一出縣東三輦源由沙母流出
茶源匯焉